



# Årsmelding for Kyrkjetunet 2023

Årsmøtet for 2022 vart halde på Kyrkjetunet onsdag 23. februar 2023.

## **Styret frå årsmøte 2022 var samansett slik:**

**Leiar:** Siv Heidi Eidsheim (2. året i styret)

**Nestleiar:** Johanne Eskeland (4. året i styret)

**Sekretær:** Bård Oliver Gjellestad (3. året i styret)

**Styremedlem:** Helge Johan Stautland (2. året i styret)

**Styremedlem:** Åse Heggen (1. året i styret)

**Vararepresentantar:** Liv Ingunn Medhaug og Kjell Stokke

**Soknerådet sin observatør i styret:** Dag Olav Berge

## **Val 23.februar 2023:**

**Nye styremedlemmer:** Liv Ingunn Heie Medhaug, Siv Heidi Eidsheim og Olav Granberg vart vald for 2 år og Åse Heggen vart vald for 1 år

**Nye varamedlemmer:** Bjørg Østvold (1.vara) og Hanne Jorunn Aasen Risøy (2. vara). Dei har vore kalla inn til annakvart styremøte.

**Leiar:** Liv Ingunn Heie Medhaug vart vald til leiar i styret.

## **Styret 2023 har vore samansett slik:**

**Leiar:** Liv Ingunn Heie Medhaug (1.året i styret)

**Nestleiar:** Siv Heidi Eidsheim (3. året i styret)

**Sekretær:** Bård Oliver Gjellestad (4. året i styret)

**Styremedlem:** Åse Heggen (2. året i styret)

**Styremedlem:** Olav Granberg (1. året i styret)

**Vararepresentantar:** Bjørg Østvold (1.vara) og Hanne Jorunn Aasen Risøy (2.vara)

**Soknerådet sin valde observatør i styret:** Dag Olav Berge til 31.10.2023 og Torunn H Susort frå 01.11.2023. Desse er valt av soknerådet.

**Revisor:** TS Revisjon

**Kasserar og rekneskapsførar:** Lars Dalen

**Valnemnd:** Kjell Stokke og Leiv Karsten Medhaug

**Programnemnd:** Siv Heidi Eidsheim, Bård Oliver Gjellestad, Ole Agnar Aadland og Liv Ingunn Heie Medhaug

**Økonomi- og vedlikehaldsnemnd:** Bård Oliver Gjellestad, Olav Granberg, Kjell Stokke og Harald Heggen

**Styremedlem i bruktbutikken:** Lars Dalen og Signe Bukkholm

**Minnesamvær:** Åse Heggen, Lars Dalen og Johanne Eskeland

## Litt om arbeidet på Kyrkjetunet i 2023

Som eit kombinert bedehus og kyrkjelydshus i Ølen, fungerer Kyrkjetunet som ein god og viktig reiskap i Guds rike sitt arbeid i bygdene våre. Styret har prøvd å leggja til rette for at huset er godt eigna til bruk i ulike aktivitetar. Me håper at Kyrkjetunet er eit fellesskap der kvar enkelt kjenner at det er godt å vera, og at ein i ulike livssituasjonar får oppleve Guds omsorg og får møte Jesus. Saman med Ølen kyrkje og Vågen bedehus er me med på å verkeleggjera visjonen som bygdene våre har felles:

### Levande Kristustru – inkluderande fellesskap

Saman vil vi byggja fellesskap der Guds storverk blir forkynt, menneske møter Jesus og blir utfordra til teneste.

Nedanfor har me skrive litt om dei varierte aktivitetane på huset. Det er mange frivillige som gjer ein stor innsats på Kyrkjetunet. Utan alle frivillige hadde det meste stoppa opp. Difor vil me med dette rette ei stor takk til alle som på ulike område gjer ein innsats for Kyrkjetunet. Alle oppgåver er heilt avgjerande for å skapa ein velfungerande heilskap!

**Styrearbeid:** I 2023 har styret hatt 8 styremøte og handsama 64 saker. Styret er svært takksam for at Lars Dalen held orden på rekneskap og økonomi gjennom året.

### Ulike møter og samlingar

Programnemnda har gjennom året lagt til rette for møte med talarar frå ulike misjonsorganisasjonar dei fleste søndagane det ikkje er gudstenester.

Manns- og kvinneforeiningane til NMS har stått for mange ulike arrangement i løpet av året, som bibelhelg i februar, fire fellesforum og adventssamling i desember.

Styret har hatt fokus på å få til nokre treff for heile storfamilien i løpet av året. Både nyårssamling og opningssamling har hatt heile familien som målgruppe. I tillegg har vi hatt fire søndagssamlingar. Dette har vore gode samlingar der det har vore godt oppmøte.

Kvar tysdag er det er bønnemøte på Kyrkjetunet. I tillegg er det mange som ber for arbeidet dag for dag.

### Gruppeopplegg

Våren 2023 fortsette gruppесamlingar med utgangspunkt i TV-serien «Chosen» som handlar om Jesu liv. Det var fire samlingar våren 2023. Samlingane startar med kveldsmat, fortset med ein episode av Chosen og avsluttar med gruppесamtalar om episoden ein har sett. Hausten 2023 vart det starta «Chosen 2» med 35 deltakarar og same rammer som sist sesong. I gruppесamtalene er ein organisert i fire grupper, der ei av gruppene er ungdommar.

### Korarbeidet

Dei to kora på Kyrkjetunet er knytt til ACTA barn og unge. Vindafjord Soul Kids er for borna mellom 5 og 10 år, og Vindafjord Soul Children er frå 5.klasse og oppover. Soul Kids har hatt aukande medlemstal dette året, og er no over 20 medlemmer (hovudsakleg frå Ølen og Ølensvåg). Soul Children hadde 10 medlemmer før sommaren, men har berre hatt 5 faste medlemmer no i haust. Det er born/ungdomar frå Vats og Ølen.

Kora har hatt fleire opptredenar, både kvar for seg og saman. Dei avslutta m.a. med ein konsert før sommaren og opptrådte også saman på julekonserten i Skjold kyrkje før jul. Soul Children har hatt to større arrangement i haust. Korseminar i Etne, saman med Etne Soul Children, og Gathering i Haugesund for Soul Children-kor frå Haugalandet og Sunnhordland.

Gunhild Marie Osaland har dirigentansvaret for begge kora, men frå i haust har også Live Therese Osaland vore med som medleiar. I tillegg er Bjørn Asgeir Lunde fast lydmann. Lydutstyret som er investert i dei

siste åra blir brukt både på øvingane og ved opptredenar. Dette er kjekt både for medlemmene og dei som høyrer på!

### **Internasjonalt treffpunkt**

I fleire år har vi hatt uformelle samlingar i kjellaren på Kyrkjetunet kvar torsdag ettermiddag. Samlingane består av sosialt fellesskap, leik, spel, språktrening og leksehjelp. Mange har sett pris på dette treffpunktet, men oppmøtet varierer. I mai og juni var det få som kom. Av den grunn blei det bestemt at det skulle vere ein pause fram til haustferien. I slutten av oktober starta samlingane opp igjen, og det er planlagt samlingar fram til påske.

Det er ein trufast gjeng medarbeidarar frå både Kyrkjetunet og Vågen bedehus som har ansvar kvar tredje veke. Det har vore litt utskifting og reduksjon i "mannskapet" dei siste åra. Det er god plass til fleire, enten du berre vil stikke innom av og til eller du vil vere fast medarbeidar.

### **Misjonsprosjekt**

Kyrkjetunet har i fleire år støtta ulike misjonsprosjekt i Kenya gjennom NSP- AID. I 2023 vart det sendt 83 000 kr til dei ulike prosjekta som mellom anna drift av barneheim og løn til evangelistar. Samuel er blitt utdanna. No har me fått ansvar for å fylgje opp Chizi Lillian Mupa f. 18.02.2012. Gjennom støtta vert det mogeleg å gje henne eit verdig liv med omsorg, mat, kle, medisin og skulegang.

Vidare er det gjeve 15 000 kr til drift av lokale trusopplæringstiltak og 35 000 kr til organisasjonar . Desse er NMS, NLM, Indre Sjømannsmisjon, Normisjon, IMS, Laget og Brandøy Misjons- og konferansesenter.

**Bruktbutikken** er eit samarbeid mellom Kyrkjetunet og Ølen Idrettslag. Vi mottek ei rekke gåver i form av brukte varer som vert selt gjennom bruktbutikken. Verdien av desse varene vert delt 50/50 mellom Kyrkjetunet og Idrettslaget. Dette er eit viktig økonomisk bidrag til drifta av Kyrkjetunet! Takk til alle som gir oss varer, kjøper varer og stiller opp som medarbeidarar i bruktbutikken. Mange representerer Kyrkjetunet på ein svært god måte i dette tiltaket, og synleggjer Kyrkjetunet i bygda.  
I oktober 2024 er der 10 år sidan butikken starta.

**Minnemøte** er ei god inntektskjelde for Kyrkjetunet. I 2023 var det 15 minnemøte. Desse vert gjennomførte ved hjelp av fleire frivillige.

**Utleige og gåver.** Kyrkjetunet har noko utleige til andre formål, der leidgetakar sjølv har stått som arrangør. Medlemspengar frå 92 medlemmer og frivillige gåver er viktige gjennom året. Dette inkluderer gåver til reinhald. Kyrkjetunet fekk ei stor testamentarisk gave på 100 000 kr dette året.

### **Arbeid i Ølen kyrkjelyd sin regi**

Soknerådet og Kyrkja er viktige brukarar av Kyrkjetunet. Kyrkjelyden bruker mellom anna huset til konfirmantarbeid, babysong og andre trusopplæringstiltak for ulike aldersgrupper, torsdagstreff for eldre og nokre større enkeltarrangement.

For skuleåret 23-24 er det også inngått eit tettare samarbeid mellom kyrkjelyden og Vågen bedehusforsamling om konfirmantundervisninga. Inkludert i dette er ein ungdomsklubb nokre fredagskveldar med leiarar frå Vågen bedehusforsamling, der ein startar med tema og samtale i fylge konfirmantopplegget «Smak og Se», og har god tid til sosiale aktivitetar etterpå. Kveldane er obligatoriske for dei konfirmantane som har valt denne modellen, men er open for andre ungdomsskuleelevar som ynskjer å delta.

Kyrkjetunet blir også brukt til ulike styremøte, soknerådsmøte m.m.

### **Andre fellesskap på Kyrkjetunet**

Fellesskap på tvers. Gjennom våren, ein fredag i månaden, samlast folk frå fleire bygder til fellesskap på tvers. Innhaldet i samlingane har vore undervisning, vitnesbyrd, forbønn, lovsong og nattverd. Målet har

vore å ha ein plass der ein får påfyll, vera i Guds nærvær og veksa med dei ulike nådegåver me har. Grunna leiarmangel er ikkje dette arbeidet vidareført frå og med hausten 2023.

Vågen bedehusforsamling har hatt nokre kveldssamlingar frå 29.oktober, grunna behov for samlingsstad etter sal av gamle Vågen bedehus. Vågen bedehus og Vågen bedehusforsamling får nytta Kyrkjetunet til nokre av møta sine fram til den nytt Vågen bedehus vert teke i bruk.

Troen Ord i Etne har hatt nokre laurdagsmøte gjennom året.

#### Feedback

Feedback er ein kristen ungdomsklubb for 8. trinn og oppover. Arbeidet var tidlegare på Feedbackhuset i Eiodalen, men flytta hausten 2023 til ungdomsrommet på «Arken» i Vats.

#### Tilsyn og vedlikehald av huset

Gjennom året har kvar styrerepresentant tilsyn med huset kvar sin månad. Harald Heggen fungerer som vaktmeister og passar på huset på ein svært god måte. Mange tek ansvar for stort og smått.

Det er kjøpt nye golvmatter ved inngangsdørane nede og oppe dette året.

Lydanlegget trong brått utskifting. Nytt anlegg vart installert i august. Bjørn Asgeir Lunde fylgjer opp det tekniske. Opplæring til brukarar av utstyret vert gjeve etter behov.

Reinhald vert gjennom året gjort via ei leigeteneste. Brøyting vert gjort av kommunal teneste.

Vårdugnaden og arbeidet som vedlikehaldsnemnda gjer, held huset og uteområdet i god stand.

I desember 2022 vart leigeavtalen med kommunen om bårerommet signert. Vindafjord kommune er ansvarleg for vedlikehald og oppgradering av nødvendige installasjonar i rommet. I desember 2023 vart bårerommet renovert under fagleg leiing av kommunen. Like i etterkant av ferdigstilt arbeid, vart det meldt at det draup frå taket inne i bårerommet. Saka er undersøkt og meldt inn til forsikringselskapet. Etter fagleg vurdering av taksteam, i drøfting med to fagfagpersonar, er det vurdert at det sannsynlegvis kjem frå ein lekkasje frå utvendig flate. Denne dekkar delvis taket over bårerommet. Kyrkjetunet har ansvar for å utbetra dette.

#### Takk

Takk til kvar og ein som ber for arbeidet på Kyrkjetunet, for kyrkjelyden, bygda og bygdene omkring oss, og for misjonsprosjektet! Ver og med å be om at nye generasjonar kan finne sin plass i det kristne felleskapet og at Kyrkjetuent skal vera ein reiskap i Guds plan om å nå ut med evangeliet. Takk for samarbeid og fellesskap gjennom året!

I tenesta og fellesskapet er den einskilde del av Guds evige frelsesplan. *“Difor vil eg minna deg om dette: Lat Guds nådegåve flamma opp i deg på nytt, den du fekk då eg la hendene på deg! For Gud gav oss ikkje ei ånd som gjer motlaus; vi fekk Anden som gjev kraft, kjærleik og visdom.” 1.Tim. 1,6-7*

Ølen, 18. januar 2024

Liv Ingunn Heie Medhaug  
Liv Ingunn Heie Medhaug

Styreliar

Åse Heggen

Åse Heggen  
Styremedlem

Bjørg Østvold

Bjørg Østvold  
Vararmedlem

Siv Heidi S. Eidsheim

Siv Heidi S. Eidsheim

Nestleiar

Olav Granberg

Olav Granberg

Styremedlem

Hanne Jorunn Aasen Risøy

Hanne Jorunn Aasen Risøy

Varamedlem

Bård Oliver Gjellestad

Bård Oliver Gjellestad

Styremedlem

Bård Oliver Gjellestad